

INUIT ATAQATIGIIT INATSISARTUNI



UPA2022/019

29.03.2022

Harald Bianco

**Kalaallit Nunaanni eqqartuussisarnermik inatsisip aamma
naalagaaffimmi tjestemandit Kalaallit Nunaanniittut pillugit inatsisip
allangortinneqarnissaannik inatsisissatut siunnersuummut
missingiutip (Pinerluttulerinermi eqqartuussisarnermi digitalimik
attaveqaatinik atuneq, suliassat nassuernertut suliarineqartut,
najuutinngitsoornermi eqqartuussutit, eqqartuussisut aamma
najukkami eqqartuussisut tunuartussaataitanerannut ukioritinneqartut
il.il.) Namminersorlutik Oqartussanit akuersissutigineqarnissaa pillugu
Inatsisartut aalajangiiffigisassaattut siunnersuut**

(Aningaasaqarnermut, Aatsitassanut, Inatsisit Atuutsinneqarnerannut
Naligiissitaanermullu Naalakkersuisoq)

Ukiarmi 2021 upernaarlu manna 2022 qallunaat nunaanni inatsiserpaaluit
nunatsinni naleqqusarlugit Inatsisartuni suliaravut. Unalu maanna
sammisarput tamakkununga ilaaginnarpoq. Soorunami pitsaarutigivaa inuit
inatsisitigut illersugaanerat tamatumuunatigut pitsangorsarneqartarmat,
taamaattumik Naalakkersuisut, taamatullu Kalaallit Nunaanni Eqqartuussineq
pillugu Siunnersuisoqatigiit taamatut kissaateqarlutik suliassangortitsinerat
pississamisootutut Inuit Ataqatigiiniit isigaarput qujamasuutigalugulu. Aamma
ullutsinnut ilaatigut atortutigut nutarterinermut, sulianik
naleqquttunngorssaaneq sulianillu sukkanerusumik naammassiniissinnaanermik
ilaqartumik, ilaatigut pinerluttulerinermi suliat naammassiuminarsarnerannik
siunertaqartumik. Uani pingaarnertut pineqarluni; suliat nassuernertut
suliarineqartalernissaasa inatsisitigut eqqunneqarnisaat.

INUIT ATAQATIGIIT INATSIARTUNI



Aammattaaq eqqartuussinermi najuutinngitsoornermi periarfissat uani annertusarniarneqarput. Tamanna sullinneqartunut malinaasinnaanermik pitsaasumik kinguneqartus-saavoq. Taamatut digitaliseeriinerup aamma pitsaarutigaa, eqaannerusumik sullissineq pappialaarsorpallaarunnaarnerlu.

Peqqinneq inuummartusiartornerlu atuutsillugit tjenestemandit 65-iniilerminni soraar-ninngortarnerat matumuunatigut aamma inuup nammineq aalajangersinnaangussavaa, aatsaat 70-iliinermi tjenestemandiujunnaarnissaq, tamana nutaasiassaavoq nuan-nesoq tjenestemandit eqqarsaatigalugit.

Inuit Ataqtiginiit taamatut oqaaseqarlunga, suliaq aappassaaneerneqarnissaanut suliassanngorlugu ataatsimiititaliamut susassaqtumut ingerlateqqippara.